



13. december 2011

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut Apeqqut:

Kalaallit meeqqat 22-it 1952-imi misiligutitut Danmark-imut qallunaanngorsartinniarlugit aallartitaasimasut pillugit Naalakkersuisut sunik suliniuteqarniarpat?

Meeqqat pineqartut ilaqutaalu Naalagaaffimmit utoqqatserfigineqarnissaat anguniarlugit Naalakkersuisut suliniuteqarniarpat?

Meeqqat pineqartut ilaqutaalu taarsiiffigineqarnissaat anguniarlugu Naalakkersuisut suliniuteqarniarpat?

(Inatsisartuni ilaasortaq, Karl Lyberth, Siumut)

Tunngavilersuut:

Ukiorpaalunngortuni meeqqat pineqartut Naalagaaffimmit utoqqatserfigineqarnissaat oqallisaajuarmat, aamma minnerunngitsumik taamani misiligutaasumik aallarusasimasut ullumikkut suli akornitsinniittut utoqqatserfigineqarnissartik kissaatigimmassuk, paaserusunnarpoq Naalakkersuisut inuit pineqartut utoqqatserfigineqarnissaat sulissutigilersimaneraat, imaluunniit utoqqatserfigineqarnissaat sulissutigilikkersaarneraat.

Inuit pineqartut taamatut kusanaalluinnartigisumik pineqarsimanerat eqqarsaatigalugu arlaatigut taarsiiffigineqarnissaat anguniarlugu Naalakkersuisut sulissuteqarnissaminnik eqqarsaatersuuteqarpat?

Uanga nammineerlunga isumaqarpunga inuit pineqartut taamatut kusanaalluinnartigisumik pineqarsimanerat eqqarsaatigalugu utoqqatserfigineqarnissaat naammangilluinnartoq pinngitsoornanilu taarsiiffigineqarnissaat sulissutaasariaqartoq.

Kissaatigaara apeqquteqaatikka ullut suliffiusut qulit iluanni akineqareersimanissaat.